

PELAJAR 6

DARAH JESUS

Darah Jesus ti udah siuh ari atas kayu regang nya siti utai ti ngasuh kitai nerima pengampun ke semua dosa kitai lalu ngaku penatai Tuhan.

“... lalu dosa di-ampun semina enti darah bisi dipansut ka.” (Heb. 9:22).

A. PENGIDUP BISI DALAM DARAH

“Pengidup semua utai idup ba darah iya empu, nya kebuah Tuhan ngasuh semua darah disiuhi ka ba alta, nyadi ka genselan kena muai dosa orang mayuh. Darah nya ti nyadi pengidup, ti dikena muai dosa orang.” (Lewi 17:11).

Lebuh kitai agi mengkang dalam dosa, kitai mati. “Laban upah dosa iya nya pematil belama-ia” (Rm. 6:23a). Jesus mayar ukum kitai ti penudi ia ngena darah Iya (mati ka kitai – nganti tempat kitai).

Pemaik (datai ari jaku orang putih ‘atonement’ = AT ONE), utai tu mega meri reti madahka kitai nyadi segempung enggau Tuhan. Tuhan Jesus meri pengidup Iya (darah Iya ti pansut) ba atas kayu regang awakka meri PEMAIK ngagai kitai. Utai tu awakka kitai nyadi segempung enggau Tuhan. Darah Jesus ngundan reti ianya kitai ukai agi munsuh Tuhan tang sebilik enggau Iya, nyadi anak-anak Iya. Enggau pengarap kita pecaya nerima utai ti udah digaga Tuhan ka kitai.

B. NAMA PENGAWA DOSA NGAGAI PENGIDUP KITAI

1. Nyerara Kitai Ari Tuhan

“Tang ketegal dosa kita, nya kebuah Iya enda ninga ka kita. Dosa kita ngasuh kita ngejang ari Allah Taala lebuhi kita besampi ngangau ka Iya” (Isa. 59:2).

2. Ngasuh Kitai bisi pengasai bepenyalah

“Aku nyau ka lemas laban dosa diri; utai nya baka ma ti berat nating tubuh aku” (Mzm 38:4).

3. Ngemendarka Sitan Ngukum Kitai

“...Laban iya ti bediri di mua Allah Taala kitai lalu betenah ka sida menyadi kitai siang enggau malam” (Pem. 12:10).

4. Nagih Ukum Mati

“...Barang ti bedosa, nya meh ti deka mati” (Esek 18:4b). Darah Jesus ngemenuhka peminta ati kitai.

C. DARAH JESUS NGEMUASKA ATI ALLAH TAALA

Darah Jesus semina ngemuaska Ukum Allah Taala – Iya ti nagih ukum pematil ke orang ti ngelanggar ukum nya. 1 John 3:4 “... laban dosa nya endang ngelanggar adat.” Darah nya ngelindung kitai ari ukum mati lebuhi ngelanggar ukum nya.

Ba surat Pemansut 12, Tuhan ngasuh orang Israel mechik ka darah anak domba ba mua pintu awak ngelindung sida ari pemunuh – ti deka munuh semua anak tuai.

Anak domba ditu ianya ngambarka Sang “Domba,” Jesus – ti deka datai dudi ila. Tuhan madah, “... lebuah aku meda darah nya aku deka ngelaung ka rumah nya, lalu enda ngenusah kita” (peda ba senentang 13).

1. Kaul Enggau Tuhan Digaga Baru

“Tang Allah Taala udah mandang ka pengerindu iya ngagai kitai; iya nya lebuah kitai agi orang bedosa, Kristus mati ketegal kitai! Ulih darah Iya kitai diatu digaga lurus di mua Allah Taala; lebih agi, kitai deka dilepas ulih Iya ari pengeringat Allah Taala” (Rm 5:8,9).

2. Kitai Udah Ditebus (Dibeli Ari Nyadi Ulun)

“Ketegal darah Kristus kitai ditebus, reti nya dosa kitai di-ampun. Pengasih Allah Taala endang besai” (Epe. 1:7).

D. DARAH ENGGI MENSIA

Darah Jesus udah ngemuaska Tuhan, diatu darah Iya ngemuaska kitai enggau chara madamka pengasai ati ti selalu asai salah ba dalam ati kitai.

1. Darah Jesus Muai Pengasai Ati Ti Bepenyalah

“Laban nya endang amat, nya alai tentu lebih agi darah Kristus – ti ulih Roh Kudus ti endang idup meruan udah ngenjuk diri empu ti endang nadai dosa ngagai Allah Taala-nuchi pengasai ati kitai ari kereja ti nadai guna, awak ka kitai tau betuai ka Allah Taala ti idup.” (Heb. 9:14).

2. Darah Jesus Nuchi Kitai

“Tegal nya Jesus mega mati ari luar kota negeri, awak nuchi orang mayuh ari dosa sida ngena darah Iya empu.” (Heb. 13:12).

3. Darah Jesus Mai Kitai Semak Enggau Tuhan

“Nya alai ulih Anak, Allah Taala udah bebaik enggau semua utai sekali ka di dunya tauka di serega – ianya Iya mai pemaik ulih darah Kristus ti disiuh ba regang. Dulu menya kitai jauh ari Allah Taala lalu bemunsh enggau Iya, ketegal penyai pengawa enggau runding kita. Tang diatu, ketegal pematitubuh Anak Iya ti nyadi mensia, Allah Taala udah bebaik enggau kita baru, awak ka kita tau dibai nyadi kudus, tuchi enggau nadai penyalah, di mua Iya.” (Kol. 1:20-22).

4. Darah Jesus Meri Pemerani Ati Ngadap Allah Taala.

“Ketegal nya, menyadi, kitai nadai kempang tama ngagai Endur ti Pemađu Kudus, ulih darah Jesus. Iya udah muka ka kitai jalai ti baru, jalai ti idup, nengah kain tirai-ianya nengah tubuh Iya empu”.

“Aram kitai datai semak Allah Taala enggau ati ti bendar enggau pengarap ti tetap, sereta enggau pengasai ati ti udah dituchi awak ka nadai ngasai ka penyalah agi, enggau tubuh ti udah dituchi ngenai ai” (Heb. 10:19-20,22).

5. Darah Jesus Ngasuh Kitai Lurus Ba Mua Allah Taala

“Nyadi ngena siti piring ti nyadi ka genselan aja, Iya udah ngasuh lurus belama-lama sida ti dituchi ari dosa.

E. DARAH JESUS KA SITAN

Akal Sitan ba maya kediatu ianya selalu betenah ka siko-siko menyadi kitai (Pem. 12:10) lalu utai tu belaban enggau peneka Tuhan ba senentang Kristus datai ke dunya awak ka nyadi Imam Besai ka utai ti badas ulih darah Iya empu. (Heb. 9:11-14).

1. Darah Jesus Nuduk ka Tuhan Setanah Enggau Mensia Ngelaban Sitan

“... Enti Tuhan setanah enggau kitai, sapa ulih ngelaban kitai? Sapa ti deka besalah bala orang ti udah dipilih Allah Taala nyadi enggi Iya? Sapa orang ti tau nyalah sida? Jesus Kristus empu ti udah mati, ti lebih agi Iya udah diangkat idup baru, lalu diatu duduk sepiak kanan Allah Taala. Iya besampi ka Allah Taala ngari ka kitai!” (Rm 8:31,33,34).

Sitan nadai kuasa ti kering lalu enda ulih betenah ka orang ti udah nerima Darah Jesus.

2. Darah Jesus Ngetas Kaul Enggau Sitan

“Ulih darah Iya kitai ditebus, reti nya, semua penyalah kitai di-ampun magang” (Kol 1:14). ‘Nebus’ reti nya ‘mayar baru.’ Kitai semua udah diempu Tuhan ti baru, lalu rega ti kena nebus kitai ianya darah Jesus.

“.....ekklisia Allah Taala, ti udah dibeli Iya ngena darah Anak Iya empu” SPKR 20:28b, peda mega ba 1 Kor 6:19,20; 1 Tim. 2:6.

F. NAMA UTAI TI UDAH DIBERI DARAH KRISTUS NGAGAI KITAI

1. Penuchi Ati

“Tang enti kitai diau dalam penampak-nya baru kitai besaum enggau diri sama diri, lalu darah Jesus Kristus, Anak Iya, nuchi kitai ari semua penyalah” (1 John 1:7).

2. Idup Meruan

“Ko Jesus bejaku enggau sida, ‘Enggau bendar aku madah ka kita: enti kita enda makai tubuh Anak Mensia lalu ngirup darah Iya, kita deka nadai pengidup dalam kita. Barang sapa ti makai tubuh aku lalu ngirup darah aku, bisi pengidup ti meruan, lalu aku deka ngangkat ka iya ari mati lebu mayu pengjung dunya” (John 6:53,54).

3. Mai Kitai Semak Tuhan

“Tang diatu, ulih besaum enggau Jesus Kristus, kita ti dulu diau jauh, udah dibai semak ulih darah Kristus” (Epe. 2:13).

KOMITMEN AKU

Diatu aku mereti ianya darah Jesus amat bereti ka Tuhan, ka Sitan enggau mega ka aku empu. Aku besemaya awak ka aku deka magi tauka madah ngagai orang bukai pasal pemendar darah Kristus. Aku deka selalu madah ngagai aku empu semaya Tuhan ngagai aku empu ianya pasal ngampun semua dosa aku lalu nuchi beresi semua dosa aku sereta ngelindung aku ari kuasa Sitan.